

續修廬州府志卷四十五

花翎道銜江南安徽廬州府知府清泉黃 雲總修

文苑傳

必通經術方工文章舊志合一兼該並詳繁惟廬郡本屬巖疆材武固多講藝亦彰

五代

伍喬廬江人性嗜學以淮人無出已右者遂渡江居廬山國學苦節自奮一夕見人掌自牖隙入署讀易二字忽不見喬大歎異輒取易讀之探索精微越數年山中浮屠夢仰視見大星芒色甚巨傍有人指之曰此伍喬星也既覺訪得喬罄橐予之喬出與郡計明年春試畫

續修廬州府志

卷四十五

文苑傳

一

八卦賦霽後望鍾山詩時同試數百人初中有司之選者必延之升堂而加慰飲焉先是宋貞觀登坐張洎續至主司覽程文遂揖貞觀南坐而引洎西首酒數行喬始上卷主司讀之驚歎乃徙貞觀處席北洎居南喬爲賓首覆考榜出喬得第一洎第二貞觀第三時稱主司精於鑒衡元宗命勒喬文以爲永式署宣州幕

馬令南唐書

後入宋爲歙州通判時張洎方爲翰林學士寵優異喬自治所作詩以寄張戒僕伺張遊宴時投之一日張近郊會讌歡甚僕投詩詩曰不知何處可消憂公退攜壺卽上樓職事久參侯伯幕夢魂長遶帝王州黃山向晚盈軒翠黝水含春繞郡流遙想玉堂多暇日花時誰伴

出城遊張得詩動容爲言於上召還爲考功員外郎五代

詩話引卒於官馬令南唐書有集一卷十國紀年

宋

姚鉉字寶之廬州合肥人太平興國八年進士甲科解褐大理評事知潭州湘鄉縣三遷殿中丞通判簡宣昇三州淳化五年直史館侍宴內苑應制賦賞花釣魚詩特被嘉賞翌日命中使就第賜白金以獎之至道初遷太常丞充京西轉運使歷右正言右司諫河東轉運使上言曰伏見諸路官吏或彊明蒞事惠愛及民者則必立條教除其煩擾然狡胥之輩非其所便候其罷官悉藏記籍害公蠹政莫甚於此欲望所在官吏有經畫利

濟事可長久者歲終書歷受代日錄付新官俾之遵守若事有灼然匪便聽上聞俟報改正詔從之咸平三年河決鄆州王陵埽東南注鉅野又淮西城中積水壞廬舍以鉉知州事徙州於汶陽陽鄉之高原委以營度許便宜從事工畢加起居舍人京東轉運使徙兩浙路鉉雋爽頗尚氣薛映知杭州與之不協事多矛盾映撫鉉罪狀數條密以聞貶連州文學吉州之萬安抵虔江有贛石舟行其中湍險萬狀鉉過感而賦之以自況大中祥符五年會赦移岳州又移舒州俄授本州團練副使天禧四年卒年五十三鉉文詞敏麗善筆札藏書至多頗有異本兩浙課吏寫書亦薛映所摭中之一事雖被

竄斥猶傭夫荷擔以自隨有集二十卷又採唐人文章  
纂爲百卷目曰文粹卒後子嗣復以其書上獻詔藏內  
府授嗣復永城主簿幼子稱俊穎美秀頗善屬辭裁十  
歲卒鉉紀其事爲聰悟錄人多傳之

宋史

文道南廬江舒人與姚鉉善凌策幼時嘗往學焉晚司  
教涇縣遂居於涇其後裔曰士南曰榕曰中者皆以進

士名家

通志廬郡文苑  
通志甯國府流寓

舊

胥致堯合肥人少力學能文辭初爲三班借職後至左  
班殿直歐陽修志其墓子流以才稱

康熙志

楊真字審賢察之弟

宋史楊察  
傳合肥人

少有雋才慶厯二年舉

進士京師試國子監禮部皆第一旣試崇政殿帝臨軒

續修廬州府志

卷四十五

文苑傳

三

啟封見名喜動於色謂輔臣曰楊真也選擢第一公卿  
稱賀爲得人授將作監丞通判潁州未至官持母喪病  
羸卒特詔賻恤其家先是其友夢真作龍首山人真自  
謂龍首我四冠多士山人無祿位之稱我其終是乎已  
而果然

宋史文  
苑傳

朱翼字新仲號潛山居士廬江人

嘉慶志作  
舒城人

政和年間

登進士第當時諱言詩翼獨耽玩騷雅詩文兼擅南渡  
後爲中書舍人掌書命文章駸顯於朝忤時宰謫居曲  
江十四年北歸詩益老文益奇所著有潛川集三卷

縣志

李冲元字元中舒城人紹聖中爲宜春司理到官獄訟  
衰息日以賦詠自娛嘗撰鞠城等銘刻石以傳冲元與

蘇軾友酷嗜浮屠學黃庭堅每至袁郡必爲沖元留逾

月而後去康熙志

阮美成舒城人元豐中進士自戶部郎謫知巢縣爲政

愷悌移守柳州喜吟詠時稱阮絕句天下名勝志江南通志

阮閱天下名勝志作美成字閱休舒城人建炎初以中奉大夫知

袁州所著有松菊集其在宣和時曾知郴州著有彬江

百詠今逸其八四庫全書提要通志文苑

李公麟字伯時舒城人舊志依東都事略作舒城人可據今校改第進士歷

南康長垣尉泗州錄事參軍用陸佃薦爲中書門下後

省刪定官御史檢法好古博學長於詩多識奇字自夏

商以來鐘鼎尊彝皆能考定世次辯測欵識聞一妙品

續修廬州府志 卷四十五 文苑傳 四

雖捐千金不惜紹聖末朝廷得玉璽下禮官諸儒議言

人人殊公麟曰秦璽用藍田玉今玉色正青以龍虬鳥

魚爲文著帝王受命之符玉質堅甚非昆吾刀蟾昉不

可治琯法中絕真秦李斯之所爲不疑議由是定元符

三年病痺遂致仕既歸老肆意於龍眠山巖壑閒雅善

畫自作山莊圖爲世寶傳寫人物尤精識者以爲顧凱

之張僧繇之亞襟度超軼名士交譽之黃廷堅謂其風

流不減古人然因畫爲累故但以藝傳云宋史文苑傳弟公

權公寅皆著名一統志

謹按龍眠山本名龍舒在縣西南八十里東南接桐

城界今舒城距桐城百二十里可證公麟確爲廬人

其堂弟棗字德素並登科隱龍眠山其里人李冲元字元中同爲山澤之游號龍眠三李見周必大集知元中乃公麟友人而非其弟也

焦蹈字悦道無爲人通經史百家嘗四首鄉舉元豐八年禮部貢院火改期別試蹈爲大魁京師諺曰不因南省火怎得狀元焦天下名勝志蹈首鄉薦由省元登第蓋三

元也越六日未授官遽卒康熙志引狀元考萬姓統譜作崇甯三年進士

王之道字彥猷無爲人剛直尚風節宣和進士與兄之義之深同科登進士第名其堂曰三桂晚官樞密使封魏國公贈太師有相山居士文集二十六卷詞一卷嘗夢帝命之曰以爾有功當錄其後子十人仕者九人躡

續修廬州府志

卷四十五

文苑傳

五

至戶部侍郎康熙志萬姓統譜

呂士元巢人資質豐偉學問該博哲宗元祐丙寅立十科舉士法士元上疏懇切未報後累試不第憤然曰當今蔡確章惇等四害未除吾等困老田園於世無補何生爲乃抱書至東山二里許投橋下死朝士王巖叟朱光廷等咸惜之里人因名其橋曰抱書明隆慶志

元

潘純字子素廬江人少有俊才游京師一時豪貴爭迎之嘗著卦辭諷切當時因以滑稽中禍亡徙江湖間挈妻子寓東吳日與諸人觴詠爲樂詩極精麗其錢塘弔岳武穆近體尤爲當時稱誦詩曰海門寒日淡無輝偃

月堂深晝漏稀萬竈貌貅江上老兩宮環珮夢中歸內  
園羯鼓催花發小殿珠簾看雪飛不道帳前胡旋舞有  
人行酒著青衣後應越中高太尉辟行次蕭山道中卒  
葬西湖岳王墓側

康熙志  
江南通志

張子和舒城人進士任宿遷主簿有詩名

康熙志

吳志淳字主一無爲人元時歷官靖安都昌二縣簿濠  
泗兵起徙家豫章後居鄞之東湖奏除待詔翰林爲權  
倖所阻明初遂不仕工詩作古隸字學漢末孫叔敖碑  
劉本仁有贈隸書吳判簿詩草隸競推吳太史以其先  
官縣簿而後除待詔也

康熙志

明

何敬字允恭合肥人謙謹和易刻勵向學成化間歲貢  
家居每旦必衣冠拜天地祖宗以及先師正襟危坐課  
諸生以孝弟爲本文藝次之任延平府知事卒於官旅  
櫬歸江中遇風舟楫欲傾側其妻撫棺泣曰天平吾夫  
素行若虧宜遭此厄少頃風波頓息

康熙志

高誨字廷弼合肥人宏治辛酉舉人授青城知縣陞萊  
州府通判政事文學當途交薦擢知養利州辭不赴家  
居清素耽詩賦有泰山覽勝詩諸刻

康熙志

孫荆字子楚合肥人鎮之裔也少遊吳著述頗多所纂

廬陽文獻志慎重少許可得史家遺意

康熙志

黃道月字德卿合肥人萬曆丙戌進士官中書舍人居

恆蕭疏俊朗慕司馬長卿爲人詩文清妙都無塵俗年三十九卒所著散軼

康熙志

陳系字虞耳合肥人崇禎初以貢入太學有文名庚辰授太原令改教婺源俱未赴

康熙志

何允麟字麟兮合肥人年十五六以文名殊不屑意寇至登陴乃爲諸將畫城守計卒積然以詩酒自放年三

十卒

康熙志

龔孚肅字尹達合肥人承先第三子孚肅性耽淡素被服儒者豐姿偉幹磊落出羣工詩文善書畫歲饑倡賑多所全活卒祀鄉賢子鼎孳官禮部尚書

康熙志

蔡世符字貞符合肥人十四遊庠每試輒冠曹偶著作

續修廬州府志

卷四十五

文苑傳

七

甚富性英敏多才略崇禎乙亥寇至與同社諸生百計防禦城賴以全

縣志

秦鳳字子儀舒城人建文庚辰進士知興山縣奏免秋糧並紅馬船時兵強民弱子女有爲夷陵軍掠爲奴婢者皆爲贖取民甚德之擢給事中以言事改衛輝府同知卒於官鳳當永樂時所著有太平歌皇禎祥詩營建宮闕賦後又著洪熙輔政策二十五道高岡遺稿藏於

家

江南通志  
文苑 康熙志 通志

祝富字堯臣舒城人博學工詩成化丁酉舉於鄉中會試副榜第一除伊陽教諭三校省闈由國子監學正遷伊府長史悉心輔導時宗室以事迂王力爲辨解聞於

朝進階旌之累階至嘉議大夫所著有默菴集

康熙志  
通志

祝峻字具瞻舒城人安貧立學授生徒數百人多顯者

任金鄉訓導豈弟作人歸田怡老年九十卒

康熙志

桑宏字治寬舒城人治禮記官大理寺評事祀鄉賢

縣志

潘植字公年廬江人洪武時以秀才舉判廣安州公勤

廉介尤長於辭翰著有擊壤集子謚字士甯賅洽經史

詩有父風安貧奉母不樂仕進詩集散軼

康熙志  
縣志

呂誼廬江人靜樂主簿廷信之子七歲能文洪武十年

舉神童召見讀大誥稱旨授翰林院博士

縣志

胡讓字以讓號可軒廬江人洪武間舉明經任本學訓

導秩滿調雲南丁艱服闋復補德川考績赴部時蹇公

續修廬州府志

卷四十五

文苑傳

八

當衡值雪中聯句命接起字韻讓云九重天子好微行

宰相門敲夜驚起蹇曰用野景隨應以江上漁翁罷釣

歸寒玉一蓑披不起蹇公又命題三友圖有云同持廊

廟具共抱堅貞節稱賞不已元夕禁中放燈讓作排律

數十言以獻人多傳誦之陞建昌教諭致仕時潘植亦

罷官歸里過從倡和徜徉詩酒以終

縣志

盧九式字玉水廬江人八歲入郡庠博雅能文好引掖

後進崇禎間以選貢司訓鎮江學使元公令閱試卷拔

取多知名士

縣志

朱俊字仲文廬江人歲貢生食貧勵節少嗜學苦無師

傳輒自研索先輩心追神悟落筆便如名宿家本戍籍

嘗以解糧涉訟經年往來省會於驢背作文忽忽顛墜  
不自知也年六十餘卒

縣志

宛臬字彥昭廬江安豐鄉人讀書通世務尤好施予永  
樂中以行誼推爲教讀鄉邦子弟多所成就年旣高子  
琮輩構晚翠樓以奉昕夕邑大夫歲行鄉飲禮爲大賓

卒年九十餘

康熙志  
江南通志

夏寅字時正廬江人少聰穎篤學萬厯壬子春有鳩巢  
於軒是秋獲雉因號鳩軒謂鳩性拙與己樸誠相似也  
通判岳州有糧長失風漂沒漕米計罄產不足償寅捐  
俸代完二百二十金以豁其罪去岳之日行李蕭然詩  
稿散軼不存

康熙志

續修廬州府志

卷四十五

文苑傳

九

王永年字雪壺廬江人崇禎恩貢授中書舍人博雅工  
詩文喜獎誘後學值歲旱取質券盡焚之著雪壺集若  
干卷子鳳鼎進士

康熙志

邢寬字用夫無爲人博學工詩文永樂甲辰進士廷對  
策祭祀兵戎考究詳悉議論莊正擢第一由翰林院修  
撰進侍講正統朝纂修宣廟實錄賜文綺銀鈔景泰二  
年陞侍讀學士卒於官上甚悼之遣知府史濡諭祭

康熙志

朱合明

通志作  
道合

字峻之無爲人監生豪邁自喜捐千金

給貧民俾助城守好學工臨池藏書萬卷悉心校閱著

看劍集

康熙志

季孟蓮字叔房無為人博覽羣書不屑事舉子業詩詞甚富與董思白陳眉公同時刻集頗亦見稱晚年構月當樓積書至萬卷

康熙志

郭奎字子章以字行巢縣人少遊余忠宣公之門青陽遺集其所藏棄也元末仗劍從軍徧遊大江以西及燕趙淮楚思親戀國之心發爲詩歌音節悲壯每從江湖間瞻望飛雲輒泫然淚下因題其集曰望雲金華宋濂新安趙汭咸爲之序朱文正開府鎮洪都聘爲參謀

康熙志

韋尚賓字秋子巢縣人爲諸生學問沈博志氣豪邁詩文名一時書兼蘇米與合肥貢生汪廷貴交契居其家

續修廬州府志

卷四十五

文苑傳

十

三十餘年著秋子詩集并古人論斷凡數十卷

採訪册一云

其所著將卒盡焚之而汪廷貴傳又言贈梓費千金未詳孰是當考

崔冕字貢收巢縣人嘗就史傳詳加繙閱得複姓三十  
四單姓九百七十二聯屬其文爲千家姓文一卷蓋以俗所傳百家姓無文義故作此書頗爲雅馴如皋冒國柱爲之序并爲之注

四庫全書存目通志文苑

國朝

許裔蘅字杜鄰合肥人少孤事母至孝善屬文尤工楷書順治甲午科拔貢以養親不仕閉戶著書肆力於古文詞所著有二樓詩集

縣志

昂紹善字元長合肥人性穎異博通五經豫章熊雪堂

令合肥拔冠多士順治辛卯科全作五經文監臨上官  
鉉異其才疏薦於朝以恩拔領甲午北闈鄉薦康熙丁

未成進士

縣志

龔鼎孳字孝升合肥人孚肅子孚肅每逢歲饑必籌賑  
救鼎孳法之留意桑梓疾苦成前明甲戌進士官兵科  
給事中以疏參首輔陳演下獄我

朝以原官起用順治十年七月江淮旱災鼎孳時官刑部  
侍郎上奏略云江淮亢旱異常救災難拘常格卽以臣  
郡廬州論連歲旱魃爲虐赤地千里自去年六月至今  
年六月雨雪全無禾苗盡稿甚至呼貸無路闔戶自經  
拯溺救焚事爭呼吸叩懇

續修廬州府志

卷四十五

文苑傳

十一

聖恩勅下該部從長商酌做九年改折漕糧之法特布

曠恩將廬鳳等處頒定蠲免分數析爲三等立行江南督撫就  
近察實分派云云奏上奉

俞旨下部議施行累遷都憲再謫再起仍復原官康熙十年元

日鼎孳從九卿隨班慶賀蒙

聖祖仁皇帝駐輦宣召詢問鼎孳能爲古作及能爲詩否鼎孳  
奏對畢

聖容溫霽許其果能作詩鼎孳恭紀榮遇曰盛事記

記見康熙志藝文

由左都御史晉刑部尚書改禮部年餘又改兵部尚書  
至庚戌癸丑會試特疏乞休予告歸里十二年以疾卒

諭葬

諭祭三壇

賜諡端毅鼎孳博學於文士林推之

一統志

康熙志 國史列傳

江南志

苑文

許孫荃字友蓀合肥人康熙庚戌進士幼篤學尤肆力詩古文詞選庶常一時館課稱著作手改授刑部主事時值滇黔之變株連者甚衆孫荃爲平反全活數百人陞戶部郎督通漕以廬衛爲桑梓地代納旗丁積負報最奉命督學陝西捐俸修學宮及張橫渠先生祠以親老乞歸未幾卒著有華嶽堂慎墨堂詩集康熙志其詩激昂悲壯多燕秦之聲國朝詩別裁集子夢麒貢士有文名康熙志

續修廬州府志

卷四十五

文苑傳

十一

秦咸字虞桓合肥人寵之曾孫以明經入太學彙考中書第一負性豪邁學問淹博好客揮金不樂仕進闢潭影園築酣綠亭於池上栽花種竹日與名流唱和著有潭影堂詩前後燕遊草行世其長子篆邑諸生氣度瀟灑承家學四方多就乞詩文者著有抹雲亭詩餘行世次子龍文詩文清妙工書法康熙間與高士奇同官年未三十卒少子鳳文太學生孫宗景郡庠生俱能文康熙志

王裒字石倉合肥人康熙庚午鄉魁捷南宮出爲商河令邑故多盜裒持法廉恕四境肅然以終養歸事母至孝性嗜古居嘗誦讀不輟詩文清超絕俗著有冰翠堂

集行世志縣志

李菖字中沚合肥人篤行好學博極羣書性靜退不樂仕進為士林所矜式妻陳氏因流寇入室不辱死節菖不再娶所著詩集十餘種已刻者有辰懷軒詩文集行

世志康熙

李孚青字丹壑相國文定公長子年十五舉康熙戊午順天鄉試己未成進士授編修充

政治典訓

玉牒類函明史四館纂修後丁父憂不復出家居孝友讀書務挾精奧為文往復紆迴詩格似韋蘇州所著有野香亭集盤隱山樵集毛奇齡與聯句嘗推服之沈德潛稱其

續修廬州府志

卷四十五

文苑傳

十二

秋日自遣詩中有名句似陸劍南詩曰鄭家婢妾如師弟梁氏夫妻似主賔子昉楸康熙己丑進士採訪冊

田實發字玉禾合肥人雍正庚戌進士聯捷登第年已六十充壬子乙卯山東湖北同考官任徐州府教授天資穎悟尤工詩文名震一時七言詩近放翁小品著有

玉禾詩集綠楊亭詩餘行世舊志隨園詩話

龔朝聘字澄庵合肥人性孝友家貧力學乾隆辛卯成進士選授甘肅成縣知縣時四方軍流至者苦露處死者屢告朝聘至即捐貲置屋俾得安棲所全活甚多莅任未久被議去官歸里後教授後進淮南北學者無不

知澄庵先生名嘉慶志

王忭合肥廩生幼負聰慧能文章李文定公歸里嘗引  
爲布衣交忭借廿一史予之七日後還書問曰爾全看  
否曰然能記得否曰然披書逐細問之一一詳對文定  
大奇之助以貲舉應博學宏詞科未及試期而卒士論  
惜之

采訪冊

虞本號體豐合肥人乾隆甲寅科舉人官滁州學正幼  
勵品學至老不倦晚年推升知縣不就閉戶課徒足跡  
不入城市者二十餘年著有體豐文稿

縣志

董碩字山啟合肥人乾隆戊午舉人少貧力學窮經探  
理每忘饑寒己酉年春補博士弟子員十數載與沈德  
潛善同舉於鄉會試未第歸而設教龍舒桃溪書院成

續修廬州府志

卷四十五

文苑傳

十四

就材能雋秀之士居多人欽其品學

采訪冊

王會龍字珠庭合肥人恂謹力學兄弟四人同時入泮  
乾隆乙酉復偕弟燕舉於鄉下帷著書淡於仕進生平  
喜爲詩紆迴雋永不落時派著有藝圃偶存

采訪冊

唐文靖合肥人幼積學淹通經史砥礪廉隅嘉慶丙子  
舉人丙戌大挑二等署和州學官後任建德月課生徒  
因材施教及歸課子姪四方就正者甚多平生著作經  
兵燹散軼今存者惟訂春秋分國記事註讀史論略作  
聰聽篇選文集皆未梓稿藏於家

采訪冊

趙席珍字響泉合肥人嘉慶庚午經魁官旌德教諭訓  
士有法風氣一變詩文磊落不羣與包慎伯研究書法

深得其奧著有寥天一室詩鈔子彥倫字雲持十四入  
邑庠少負才名辛亥舉孝廉方正詩詞清雋亦工書著  
有雲無心軒詩集冊 採訪

夏雲字奇峯合肥人縣學生少承家學尤工古體追蹤  
射洪嗣響步兵名噪一時刊有曾園詩集二卷陽湖陸  
祁孫選入蘭言集冊 採訪

史臺懋字半樓合肥人監生爲人狷介不妄取貌清癯  
有詩癖琢句至忘寢食五言似邢孟貞其妙句逼似賈  
浪仙七言亦有佳者刊有浮槎山房詩鈔陸祁孫爲合  
肥教官亟稱之贈以詩云平梁一詩人寒瘦若古木蕭  
齋著此客覺我亦非俗又錄其警句云中酒春人緣草

臥出林野鳥帶花飛歲暮縣令劉海樹遣吏餉米叩門  
出片紙云米幾斛分遺詩人史半樓孝子汪毓真半樓  
欣然受之毓真蓋父死廬墓者也別有傳陸繼輅合肥  
學舍劄記

張延邴字漁邨合肥人恩貢生世居邑東鄉之磨攤幼  
穎悟家貧力學好儲書有聲庠序益肆力於詩詞精四  
體書兼工鐵筆著有延清堂集縣志

胡邦梓字楚材合肥人歲貢生通經古累試冠其曹柳  
城張鱗督皖學尤奇之性和厚而介篤交游重名義與  
同邑張延邴王汝貴蔡邦甸爲真率詩社月再舉門下  
士如張靖達及胡殿甲黃瑞蘭王恩光趙連璧其最著  
者家所儲書甚多所編春秋人物備考一書前守唐景

皋爲刊行之采訪冊

徐漢蒼字荔菴合肥人縣學生道光辛巳舉孝廉方正喜吟詠書法顏平原陽湖陸祁孫司鐸平梁極重漢蒼及史半樓有長徐瘦史之稱癸丑冬遇賊於派河脅去不屈斫其面絕而復蘇所學益進年七十餘卒著有碧琅玕館詩鈔桐城方東樹爲之序縣志

周大槐字海樵合肥人歲貢生品端學純望重一時道光辛巳制科舉孝廉方正山陽汪文端廷珍督學皖省深器之以與婺源齊彥槐齊名嘗目之曰齊某春華周某秋實江南北有二槐之稱晚猶肆力於古文取法歐曾頗得其妙著有海樵文集采訪冊

續修廬州府志

卷四十五

文苑傳

十六

高安字曉池合肥庠生博學善屬文品行端正爲里黨式年八十八歲以無病終采訪冊

周寅亮字少甫合肥人邑庠生事母至孝友愛諸弟深明理學以授徒爲生及門多列膠庠者所作寺院橋梁傳敘多刊碑者卒年七十八采訪冊

沈家憫字步武合肥人郡庠生性爽直孝友交遊多知名士晚年與同志結社聯吟著有西江遊草采訪冊

王元齡字九餘合肥人少孤性聰慧年十三補博士弟子員文譽日起偕兩弟事孀母吳氏盡孝尤工詩標新領異有味外味著有守澤居遺墨采訪冊

趙履廉合肥人歲貢生篤志好學著有學庸題要采訪冊

王埶號二石合肥人道光辛巳副榜就職州判分發河南署睢甯廳通判埶生而穎異壯負才名詩筆縱橫不拘繩墨與全椒王小鶴明經稱莫逆一時有二王之稱著有笑園詩偶存冊 采訪

盧先駱字半溪合肥人少失怙家貧力學道光壬辰成進士授廣東龍川令有廉名旋丁艱罷官遂卒生平喜爲詩不加雕琢所得俸金僅僅供刊詩之費歸櫬蕭然士庶送者皆泣下著有循蘭館詩存冊 采訪

吳克俊字菊坡合肥人監生性好出遊瀟灑樂易人爭就之工書畫詩詞尤腴潤著有羅雀山房詩草同時有蔡家瑜字石瓢縣學生亦能詩善畫兼精篆刻其遊跡

與吳相侔云冊 采訪

沈若澁字惜齋合肥人邑庠生少耽吟咏爲詩一根性情不事雕飾晚居浮槎山麓課徒訓子著有寄感編縣志

李宗白號亦仙合肥人儀容端偉夙負異才秉性至孝未弱冠遊邑庠旋食餼屢赴鄉闈十膺房薦五列堂備卒不售以歲貢授職復設訓導兩舉孝廉方正不就窮經研史廣教生徒品行正直鄉里推重年七十有六卒著有三餘叢考讀史存疑詩文賦集子鴻圖號南鄉爲文喜峭刻夏夏獨造父常舉李長吉以爲戒早歲遊庠食餼年二十三應乙酉科試受知於學使張鱗得膺選拔貢生學使書一庭喬梓額贈焉錄取官學教習歷充

鑲紅正黃兩旗官學教習在監三十月候選知縣都中  
人士謂其當俯從時趨而文境愈高屢薦不獲售自以  
薄宦羈二千里外有疏色養遂回里授徒攻苦太過未  
四十嘔血而卒著有晤言錄摩兜鍵館古近體詩文集  
子鍾俊庚午優貢

采訪  
冊

家學

采訪  
冊

戴鴻恩字疊峯合肥人少穎悟甫十齡自作文爲業師  
所許性最孝事親先意承志父年七十三邁疾延醫嘗  
藥晝夜侍奉歷百餘日不少衰父歿殯葬如禮墓旁搆

續修廬州府志

卷四十五

文苑傳

十八

草舍朝夕哭奠閱數月母黃氏又病危侍疾殮葬悉如  
禮道光癸巳成進士署湖南城步縣盜首藍元曠相戒  
勿擾其境竄武岡州界元曠伏誅餘黨仍聚恩單騎抵  
其穴散其黨以軍功加知州銜補興甯知縣罷官回里  
杜門讀書從學日衆先後主講廬州無爲巢縣泗州書  
院道光辛卯水災倡捐鉅資設廠賑濟又延楚省譚醫  
來邑創設牛痘局與其族舉人鴻慶理問鴻勳監生鴻  
忠等捐貲以濟事經十有六年用銀二千有奇邑中引  
種者殆徧家居望重以時艱屢與諸鉅公兵事概辭保  
舉七十四歲卒舉鄉賢所著有棲雲樓文集行世漱芳  
園詩集待梓孫家敬壬午舉人

采訪  
冊

戴家麟字子瑞合肥人鸞齊子少孤貧事母以孝聞撫諸弟成立友愛備至由廩貢生選宿州學正兵燹後人多廢學麟盡心誘掖多所成就後改國子監學正告歸持躬勤儉族戚有困乏輒周濟之性好學爲文一遵先正軌範詩尤清脩脫俗著有聽鸕館文集劫餘軒詩存

采訪  
冊

葉士選字彥懷號次元合肥人中道光庚子恩科舉人自幼讀書卽置日記於座右凡有爲必登記官湖北知縣辦理黃州牙釐局務咸豐十年賊警同事某欲乘機以沒其課士選不可親率局丁十餘人齎銀三千餘兩從僻徑至武昌總局未達又迂道至太湖行營以濟巡

續修廬州府志

卷四十五

文苑傳

十九

撫胡林翼軍餉人以爲難其所輯格言有省身顧諟惠迪晨鍾諸集洗心錄警世編人生必讀成人金鑑等書皆淑世語與所著之詩文集藏於家遭兵燹並佚惟存迴狂一集待梓年六十二無疾而終

采訪  
冊

劉邦梁字禹梅合肥人道光乙酉拔貢家甚貧苦尙氣節安時命潛心學業著有鳴快編文稿咸豐六年大旱館於東鄉至八月義有不合拂衣歸久之糧匱恥千人慨然曰天旣大旱衆多死者我何生爲遂窮餓而死

冊

采訪

徐子苓字叔偉號毅甫合肥人倜儻重氣孤行深識年十八受知太守劉耀椿拔冠軍中道光乙未科舉人數

不售於禮部交海內名公卿潛心老莊史漢諸書喜歌  
詩古文遭亂耕牧自娛巡撫翁同書請佐戎不應每言  
天下治亂多奇驗江督曾國藩安撫英翰每起之不能  
奪性嗜山水同治五年援例授和州學正分修安徽通  
志甫一年卽告歸隱龍泉山下築屋數椽儲書數千卷  
歌嘯自得號龍泉老牧曾國藩顏其廬曰龍泉精舍晚  
號默道人與同里王尚辰典簿朱景昭州同刻意尚古  
俗人有三怪之目著敦良吉齋詩存二卷行世閒閒園  
古文二卷未梓子元叔字亨甫負異才喜讀史有疑義  
輒危坐達旦早天有劫餘小錄行世

采訪  
冊

虞運樞號叔垣合肥人好學工詩道光甲辰科舉人揀

選知縣咸豐癸丑髮逆竄肥毀家紓難於郡城倡舉團

練護衛桑梓著有紅薇山館詩稿

采訪  
冊

朱景昭字默存合肥人咸豐壬子科優貢生候選直隸

州州同性聰穎目數行下幼時父衣錦口授四子書講

字義卽能領會長益嗜讀至忘寢食工制藝通經史達

時務於古人之學術經濟莫不究其原委思措諸事業

事父母及處兄弟朋友皆見至情獎勸後進盡言無隱

中歲遭寇亂寄身戎幕遇事敢言多中機宜以軍功議

敘州同巡撫英果毅翰重其學行屬皖南道李榮延主

蕪湖中江書院有年成就後學甚衆其爲文章根据經

傳有心得多創論詩一空依傍才力過人又嘗主江陰

防營提督唐定奎幕中圍棊射覆雍容文酒旋卒於揚州年五十六生平著述有讀書劄記論文芻說無夢軒

詩文集藏於家

采訪  
冊

吳毓芳號潤六合肥人性端謹簡默讀書穎異年十三卽盡熟羣經喜經世之學爲文下筆千言不加點竄若宿成道光己酉舉人咸豐丙辰進士甘肅卽用知縣軍功升用同知年三十二遽卒士論惜之

采訪  
冊

黃先瑜字韞之合肥人咸豐壬子進士由庶吉士加贊善銜改官禮部主事以治鄉兵禦賊有功加五品銜並戴花翎邑有浪波塘歲久湮塞環塘數百頃田恆苦旱獨力修濬鄉里至今利賴之晚年主講廬陽書院博洽

續修廬州府志

卷四十五

文苑傳

二十一

羣書於後學多所成就著有帶草堂詩文集行世子天麟字石卿優廩生性豪爽有奇氣幼隨父治鄉兵禦賊臨事必前驅故餘人樂爲効命事定後力舉行保甲所居石塘橋數十里內奸匪屏息修復南岡集義渡行人稱便見事勇爲傾飲不惜解鄉里忿爭片言立息訟日希里人罕有至公庭者爲文克承家學著有匣劍集稿

采訪  
冊

郭懷仁字樂山合肥人幼稟母教聰穎異常弱冠習經史下筆千言講求用世學咸豐戊午巢縣辦城防縣令邵毓人延請襄助事定爲請獎力卻之己未中鄉榜避亂至揚州適提督馮子材駐軍鎮江禮聘入幕機宜皆

預裁決鎮江一隅保全者懷仁之力居多三次保薦皆不就同治癸亥成進士改庶吉士授編修己巳充貴州正考官得人稱盛癸酉督學廣西所選拔皆知名士任滿以目疾告歸僑寓金陵與諸名士詩酒往還未幾卒著有樂山詩文專集藏於家詩賦書法尤爲後進楷則焉

采訪冊

李灼字嘯天合肥人天資敏特幼嗜經史年未冠以文章名於時二十二歲府試取第一病未終場賫志而歿詩文多散佚僅焚餘稿數十首行於世

采訪冊

王化洽字懋昭合肥人家貧好學補增廣生熟於漢唐傳注及史書多有折衷授徒四方教以經術同治辛未

續修廬州府志

卷四十五

文苑傳

二十一

年八十四重游泮水著有漱芳齋詩文集

采訪冊

王恩光字延叔合肥人謙謹誠樸力學不已由拔貢生中光緒丙子順天舉人庚辰成進士以知縣卽用分發陝西恩光家本寒素藉講授自給然篤於內行妻卒遺子女幼乞嫂氏鞠養之矢不復娶及得官卽挈一僕行甫抵省旅居客肆囊資不充猝病一日死僕人以告陝省大吏囑同官伙助以斂之所爲文根極理要義蘊深厚存稿多散佚

采訪冊

夏起敏字潑九廬江人諸生究心性理所著有霜林集

縣志

高明一作高朋字聯岐廬江人詩境清麗晚年徜徉於山水

間著作甚富

縣志

夏景耀字穉光廬江人以明經任儀隴知縣當蜀中兵燹後招徠勸墾流移安集升岳州府同知時新隄民喜鬪訟盜賊蠹起景耀臨御有法市賴以安公暇恆下帷覽書史及勘災害躬親勞瘁吏莫能欺卒於官士民思之著有聽潒居集半月堂詩文集

康熙志

孫維祺號起山廬江人博極羣書康熙辛未進士官河間徠水二邑解組歸居林下十餘年閉戶著書論制藝尤多精識性至孝年五十居母喪啜粥茹蔬裏衣皆粗布爲之沍寒不易

縣志

朱世濂字弈韋廬江人恩貢生學有根柢文筆淵茂得

續修廬州府志

卷四十五

文苑傳

二十二

史漢氣息性淡泊寡營子廣佺邑廩生克敦孝友邑人

推重

縣志

黃培字戴鎮廬江人少穎慧下筆千言立就旣冠益覃思經典中乾隆己丑科進士通籍後卽歸里教授生徒不樂仕進性和易無圭角而義利之辨甚嚴所著有斗

南閣古今文集香巖續集

嘉慶志

陳延炯字耀文廬江人歲貢生少力學能文頗負時譽爲文耐深思能發難達之理紆迴淡宕顧艱於遇晚年

司訓太湖著有監亭文集

嘉慶志

嚴朝標廬江人廩貢生天資敏淹通經史著有易經析

義年二十五蚤卒

采訪冊

孫取匯字嘯壑廬江人善撫琴工詩七絕近陸劔南派名流多愛重之如得意水流壑無心雲出山一聯尤佳

所著有琴餘集

隨園詩話

馬槿字雲寄號繡亭廬江人幼失怙事母以孝稱事伯

仲兄惟謹勵志下帷窮究經史著有四書附參繡亭制

藝晚年任金壇訓導王步青時家居數往來講論經義

令子士鼈執弟子禮而師事焉仕績載金壇縣志

縣志

丁寵字師承號冶南廬江人廩生幼聰慧十歲能爲文

長益力學研究經史古文爲文醇粹淡遠饒有大家風

味居家敦孝友門庭雍睦子孫咸遵其教著有懷瑾集

及五經箋釋

縣志

續修廬州府志

卷四十五

文苑傳

二十四

許應寬字湘右號容菴廬江人優貢生舉鄉飲大賔居

家孝友立品端方博涉典籍尤耽宋儒書著有朱子性

理吟集說愛日堂試草容菴詩鈔

縣志

夏儻字力涵號廓原廬江人歲貢任六合訓導性穎悟

讀書過目不忘通經學古爲文不入時趨及門受業者

多騰聲庠序著有霞騫閣時藝

縣志

李光枚字密參號兩川廬江人恩貢生自幼穎悟嗜學

沈酣經史爲文簡古家貧課徒自給足跡不入城市左

圖右書翛然自得手錄書籍千餘卷著有四書晰四十

卷卒年八十二

縣志

李光瑜字滌巖廬江人恩貢生敦品行勵學任江浦縣

教諭訓飭諸生有法度士林愛敬之著有百藥山房讀

古錄四子語錄

縣志

李光瓊字瑜華廬江人監貢弟光玖字敦誼廩生均博涉經史工詩賦楷法光瓊著有試賦新劔物名彙雅湖上園詩鈔光玖著有漱芳集乾隆乙酉丁酉

聖駕南巡瓊玖先後獻賦皆與

召試

縣志

盧恬字虛齋廬江人優庠生幼習舉子業不落時趨期得聖賢立言之旨平居窮經之外博覽史籍尤精於掌故之學字學鍾王筆意圓勁與族人文熾書法相頡頏邑中有大盧小盧之目

縣志

續修廬州府志

卷四十五

文苑傳

二十五

尹瀚字西園廬江人歲貢生博通經籍爲古今文必宗大家凡游其門者循循善誘多所成就

縣志

張文榮字祺華號絅齋廬江人恩貢生誠篤廉樸研究宋名儒性理諸書兼嗜漢儒箋疏嘗謂聖人之道精粗畢貫必存門戶之見偏重漢學宋學者皆於古人之書無心得也故所學淵博粹密居恆閉戶著書恥於干謁而見義勇爲鄰人李某被盜誣將置於法文榮趨縣庭申雪之李感再生德具重幣爲酬文榮曰吾以伸公是非耳詎獨爲若哉卒卻不受所著有五經集解資治通

鑑綱目條辨

縣志

劉驥字秩音號超亭廬江人性嚴正操行謹飭人無敢

干以私爲學刻苦所讀經史及諸儒傳註皆能默誦爲  
文清麗芊綿中乾隆丙戌科進士選安慶府教授素安  
淡泊不樂爲州縣吏部文截取赴選辭不就遂以告病  
歸優游林下十年不入城前後邑令慕其清高欲一識  
面而不能得也著有衆超亭詩文集縣志

張國熙字際清廬江人性嚴正不苟言笑善誘掖後進  
邑中掇甲乙科者多出其門補博士弟子者百餘人子  
長庚邑廩生沈深有德量早卒縣志

許其達字孚尹號信齋廬江人乾隆辛酉舉人性誠樸  
語言不苟砥礪名節爲鄉黨矜式文章淵雅無浮靡氣

以子士煌贈文林郎采訪冊

陳茂杰號子雅廬江人幼聰穎讀書目數行下年二十  
四中嘉慶己卯舉人客京師數年益肆力於詩古文詞  
生平著作實能於嚴思洛趙依陳心傳徐吉人諸名宿  
外自豎一幟官績溪教諭采訪冊

孫煒字剛烈廬江人廩生天資穎異經術淹博授徒鄉  
里遇貧親友有敏慧子弟卽教誨而成就之並勸有力  
者資以錢粟所著述多燬於兵燹子大澍早夭聘何氏  
年十四歲守貞奉翁姑卒邀 旌表別有傳采訪冊

莫素崖字鶴邱廬江人歲貢生少負雋才尤長於古文  
下筆千言居恆沈默寡言有叩以經術史學者則探喉  
而出如數家珍采訪冊

王鳳翽字吉人號梧岡廬江人嘉慶庚申科恩貢候選  
復設教諭著述甚富

采訪  
冊

王鳳階字鳴陽號丹崖廬江人諸生工詩七律酷似劍  
南其神韻獨出處別有興會如牕紗夜月分虛白屐齒  
春泥印軟紅雁唳聲寒霜有信梅花影瘦月無痕尤膾

炙人口

采訪  
冊

唐肇字鼇戴號廬亭廬江人諸生學有根柢隱居教讀  
淡於進取授徒五十載有手鈔五經說及廬亭古文存  
若干卷年登大耋兩舉賓筵不應道光己酉重遊泮水

卒子向遠孫隆勤均世其業

采訪  
冊

章煒字元成號瑄香廬江人道光辛巳舉人刑部陝西

續修廬州府志

卷四十五

文苑傳

二十七

司郎中兼直隸司事總辦秋審處清理案牘己丑登進  
士第掌河南道監察御史吏科掌印給事中巡視南城  
稽查本裕倉京察一等壬辰順天鄉試同考官戊戌丁  
憂回籍不復出爲人落落寡合持家嚴而有恩兩弟皆  
庶出齒與諸孫相若均分家產未嘗有所私事庶母尤  
盡禮有六家詩選及涵翠山房雜詠弟瓊字仲毅號壁  
田道光辛巳舉人戶部廣西司郎中辛丑成進士改翰  
林院庶吉士散館授編修丁未會試同考官己酉大考  
列二等偕文瑞典試浙闈文瑞病不起瓊細心較閱衡  
文不拘一格秉公棄取是科浙闈得人最盛道光初瓊  
本生父廷樑及叔廷榜捐置義莊瓊亦出膏腴之產一

千一百餘畝以充經費咸豐癸丑在籍奉

旨與呂賢基會辦團練輸萬金入廬郡助餉邑中文武學額因

此永廣一名旋與兄煒相繼卒

采訪冊

朱杰生字鼎占號俊卿廬江人優廩生淹通經史屢舉

優行二十年大水輸粟濟荒議敘國子監典籍後以寇

難居鄉曲病卒

采訪冊

龐文曜字漱霞廬江人優廩生篤行好學淹通經義每

試經解輒首五屬其文多刻入試牘著有鹿門集

采訪冊

李秀字秀升舒城人甲午拔貢生負性瀟灑喜讀書論

古詩情溫和秀麗與龔宗伯爲筆墨交倡和極多年六

十餘卒於家

縣志

續修廬州府志

卷四十五

文苑傳

二十八

任天毓字毓生舒城人五歲能誦詩稍長博綜墳典工

染翰受知邑令西蜀王民懌爲諸生每試冠軍後入成

均循例考授縣令不就又有孫昌裔者少小穎異所著

詩古文詞甚多

縣志

任光世字昭茲舒城人康熙癸卯舉人嘗於京師宴集

刻燭成詩一時名噪年未四十卒所著有舫園集又有

朱乘字友閑康熙間歲貢工詞章需次教諭未就卒

縣志

任銓

原姓汪

字次皋舒城人廩生博學工札爲文雄深

古雅卓然成家所著有樂菴集行世

縣志

許登蓬字亦士舒城人少穎異博覽羣書隨父宦瓊海

及德州所歷皆名區勝概詩古文詞益進後遊燕與四

方知名士相贈答遼陽劉在園觀察河南聘掌書記凡  
建置碑版文字多出其手書法亦工妙著有青笠山房  
詩文行世子代庠生工書翰善古文何太學生詩詞新  
俊皆有父風

采訪冊

沈長祚字芝田號存齋舒城人負質英奇讀書目數行  
下十五入成均

聖祖仁皇帝南巡長祚進萬年有道八章

上嘉之旋以詩賦試

行在

欽取一等七名入南書房辦事丁艱歸里雍正甲寅

詔舉博學鴻詞郡守徐特以長祚薦長祚能詩工書法卒年六

續修廬州府志

卷四十五

文苑傳

二十九

十一著有竹香園集以外孫廬江胡觀瀾貴貤贈中憲

大夫

縣志

任自舉字鶴坡舒城人歲貢生少穎異貧苦力學邑令  
蔣鳴鶴愛其才首拔之給膏火俾讀書城西禪院並恤  
其家自舉益感奮力學名重一時癸卯甲子房考首薦  
因散體見棄諸督學亦皆愛其才辛未迎

鑾白下前上元令袁枚及江浙諸名流皆重之著雜體文流播  
遠近鄉里所傳詼諧滑稽之作皆集外文也晚貢於雍  
年六十七口吟七律一章別親友而後卒初自舉客盱  
眙修邑志盱眙令郭起元爲刻聽山堂古文卷勺詩集  
凡十數卷行世遺稿尚有道器識餘離騷本意胡傳質

疑及詩文雜集多至盈尺家貧不能梓甘泉進士黃洙  
爲序之藏於家子嗣浙孫予柱予櫺予桐俱遊庠采訪冊

沈本陞字季堂舒城人增生傳其祖長祚詩派各體俱

工有白石山古柏行爲名流激賞采訪冊隨園詩話

任鳴盛舒城人舉人有詩名時江南諸名士聯吟於秦

淮水榭以鼓爲節鳴盛聲止詩成詞意兼美與邑人增

生孫瘦生所作同爲袁枚所賞著有紅豆山房詩鈔兵

燹後遺稿散失采訪冊

任大榜舒城人廩生博聞強記自經史註疏百家之書

有問之者應聲背誦山陽盧澤爲一時績學士時爲舒

城教諭每謂弟子曰經學則未敢多讓至於史吾不如

續修廬州府志

卷四十五

文苑傳

三十

大榜多矣子麟瑞亦有聲庠序采訪冊

趙士純舒城人歲貢生博學多聞七薦鄉闈不售著有

一琴齋詩集藏於家采訪冊

朱耆英舒城人諸生篤行好學文章爾雅奉親以孝至

老弗渝鄉里稱善人采訪冊

季步騮字尾孫別號懶蠶居士無爲人諸生幼有至性

母病劇潛入神廟祈減己齡增母壽遂霍然愈平生自

負經濟上書當事鬱鬱不得志盡發之詩歌古文人多

誦之州志

周命佐字贊甫無爲人嗜學不倦絕意仕進僻處江濱

窮愁抑鬱悉發於詩州志

王履同字莠來無爲人康熙甲辰進士好苦吟有郊島長吉之風授司理未仕卒著有秋潭集州志

吳寬字敬五無爲人能文章豪邁不羈廣交遊持風雅酒盞詩筒往來無間晚年授廣西賀縣令卒於官著有

青遇堂詩集州志

陳廷樂字子韶無爲人少卓犖不羣補弟子員文名噪一時晚歲結廬江上誦讀其中無間寒暑尤善獎勵後進著有樵逋集行世州志

吳世基字念祖無爲人光義孫性孝友嗜學康熙壬子癸丑聯捷成進士工書法行楷絕妙其詩古文藏稿總

名一薪集州志

續修廬州府志

卷四十五

文苑傳

三十一

汪國璿字衡玉無爲人康熙丙子舉人性至孝文名重一時人稱爲真孝廉州志

吳成章字興公無爲人歲貢生工古文詩賦從弟觀周字季來有文譽康熙戊子舉人官中書州志

湯士珔字子將無爲人歲貢生肆志邱壑放情詩酒著有山水清音集數卷弟士琬字文玉膺康熙壬子歲薦與兄並以詩著名州志

傅時因字因誰無爲人少負俊才爲諸生有聲與兄時雍弟時誨俱擅詩名著金焦遊草及偶然集州志

吳之聯字一蜚無爲人十歲而孤奉母訓惟謹少穎悟喜讀書工詩性高介著有南樓詩集州志

沈邁字辭懌無爲人諸生性坦率博通今古工詩著有臥雪堂詩集汪有典與友善爲之立傳

州志

吳元桂字秋岳無爲人少孤貧嗜讀書豪於遊不樂仕進歷三巴溯兩淞入都門足跡半天下而詩益富著有振華齋集哀輯昭代詩鍼暨濡須詩志行世復與同志纂訂州乘舉鄉飲介賓

州志

李旭

本名庚

字旦初無爲人諸生工詩充圖書集成校閱

授薊州判改兩淮鹽知事權儀徵通泰監掣泰州分司皆有政績卒於官

嘉慶志

侯坤字礪石無爲人選貢生工詩古文詞精書法館京師最久才名藉甚公卿間卒不第後授兩廣鹽經歷權

續修廬州府志

卷四十五

文苑傳

三十一

廣州分府潮州鹽運分司大憲使需次者十餘人師事

焉卒於官

嘉慶志

丁良揆無爲人康熙間恩貢生博學精繪事工四體書著有菜根堂詩文集行世弟良授

一作良綬

與揆齊名書尤

蒼勁入古亦以貢生終

采訪冊

吳元慶字履旋號柳塘無爲人家貧攻苦博覽羣書於理學尤深邃少失恃事繼母以孝聞乾隆戊申舉於鄉乙卯成進士任刑部陝西司主事其治獄多平允致仕歸書籍一囊爲潛川書院院長三年出門下者多通儒甲戌大旱作荒略四條當事稱善做行之全活甚衆家居三十年課生徒訓孫曾咸以道義相規勉壽九十餘

猶手不釋卷郡志州志皆所考訂著有醴古集鳴盛集柳塘詩存並輯有研北閑鈔郡事拾遺諸書

采訪冊

沙光茂號嘯亭無爲人歲貢生性聰敏宗濂洛之學教授數十年先器識後文藝出其門者皆循謹可風晚歲

主講正蒙書院文體丕變

采訪冊

齊吉祖號管圃無爲人歲貢生少失怙事母孝以經義造就人才嘉慶年纂修志乘與吳元慶同纂修去取公允所著有緘石編文行世長子秉銳號彈懷廩生少慧試輒冠軍湛深經術尤工書行草俱妙次子漱潤歲貢生性誠樸學淵博皆承家學

采訪冊

宋時經號筆鋤無爲人諸生沈摯工詩客遊山東所過

續修廬州府志

卷四十五

文苑傳

三十二

名山大川悉留題詠採入山東詩話並隨園詩話著有

筆鋤詩集若干卷

采訪冊

高峻字金門無爲人歲貢生品端學粹課徒自給工吟

咏著有春秋分類賦效顰詩草四卷行世

采訪冊

金玉堂字沐祉無爲人庠生世以儒學稱性豪爽操尚清高學有根柢門下士多達者尤好義舉修文廟城隍廟繡溪書院皆力董其役不辭勞瘁弟玉章字仰聆庠生品端學粹工詩古文詞駢體尤勝子勳字台階庠生性孝友喜吟咏並工技藝孫步蟾字一山廩生敦篤有父風從遊皆四方髦俊曾孫潤森世其學著有豐玉堂

五世文集行世

采訪冊

張均無爲人官教職學問淵博著事類賦補遺經史辨論辨訛釋義鏡源遺照集時令整散合編行世采訪冊

張拱辰無爲人恩賜舉人品端學粹著有平仄彙考行

世采訪冊

金玉音無爲人庠生少工帖括與齊管圃吳柳塘齊名父木田業醫傳其術精嘗舉木田所編傷寒百問注釋之而加詳焉采訪冊

蔣道垚號萊嶼無爲人廩貢生性篤實學期有用凡董鉅工悉歸實際道光初年呈請開疏新河州人利之采訪冊

崔大駿號籥雲無爲人拔貢生少穎異湛深經術試輒

續修廬州府志

卷四十五

文苑傳

三十四

冠其曹性尤和厚慎交遊里人咸推重之采訪冊

齊德霖號喜亭無爲人歲貢生少穎異長益力學閉戶耽吟不干外事出門下者均有成就壽七十有三子來

沛號鏡芙能讀父書嗜金陳名稿道光甲辰舉於鄉粵逆至隱居江濱不入城市肅清以後州牧穆其琛敦請主講繡溪書院時兵燹甫離絃誦輟響來沛口講指畫聞其言者皆鼓舞激昂以勞卒著有慎修齋制藝采訪冊

汪禧字琢之無爲人庠生丰神瀟灑書法有右軍遺意監修文廟督建貞孝節烈總坊任勞不倦著有鄉黨典

編行世采訪冊

金應濤字聽泉無爲人庠生性瀟灑不羣工詩賦試稿

選入淮南賦鈔著有聯珠集行世采訪冊

杜元無爲人歲貢生性端嚴家貧力學博覽羣書課生徒數十年足迹不入城市著有櫪香館詩文集又有萬連枝朱暉于湘皆諸生與元齊名均狷潔自尚連枝暉

工書湘工詩采訪冊

楊逢春字笑山無爲人歲貢生性豪爽篤學工文尤長於詩授徒鄉里多所成就采訪冊

齊大猷號杏村無爲人歲貢生性誠樸家貧力學詩古文詞皆清真典雅屢薦不售教學以經史爲根柢尤重器識著有穉梅書屋問月詩文集采訪冊

吳之杰號崧生晚號縫雲山人無爲人廩生少孤貧性

續修廬州府志

卷四十五

文苑傳

三十五

剛直恪遵母訓植行積學著有寄樓詩文集若干卷采訪冊

周賓彥號虞門無爲人歲貢生授靈璧縣訓導俸滿告歸授徒鄉里從遊者多所成就著有近仁堂文集采訪冊

張弦號峯南無爲人性古樸好讀書不求仕進工古文詩詞著有百家言若干卷采訪冊

吳顯成無爲人太學生少習舉業通經史尤工詩賦屢膺房薦不售士林惜之采訪冊

汪藝圃字楷堂無爲人廩生積學有幹濟河督朱襄之延爲上賓河務多取資焉著有模古堂詩集采訪冊

徐漸達號鴻賓無爲人歲貢生少穎悟長益力學以詩

古文詞名於世隱居授徒門下多俊才著有三字鑑啟  
蒙歌勸孝歌一時傳之采訪冊

陳丙南號芝崖無爲人廩生天資英敏通經史百家書  
著述盈尺許兵燹散逸僅存芝崖詩草二卷采訪冊

張賓號亭村無爲人歲貢生性純謹好學不倦著有山  
水軒詩集二卷四書土音辨訛一卷采訪冊

蔣初字芝源無爲人庠生勵志讀書品學純粹樂施好  
善不欲人知采訪冊

楚觀光號賓也無爲人增生博學能文樂育人才門下  
士多顯達慷慨好義凡文廟庫房諸鉅工皆其倡捐修  
葺著有聞見錄說詩偶存子炳然少聰穎能讀父書以

廩貢舉孝廉方正撫憲蔣公文慶考取二等送部錄用  
歷任廣德建平來安五河等縣教官興培學校振勵士  
風精書法著有桐蔭詩草文集采訪冊

邢尚忠字樸菴號省三無爲人庠生博學能文精岐黃  
善書法刻有程子四箴行世尤樂善好施家貧不能自  
給里有鬻妻者嘗竭終歲館資以周之後其子孫累世  
頌德焉子文煥采訪冊

邢文煥無爲人至孝力學博通經史同治丁卯科舉人  
州牧延主繡溪書院講席後進多資成就減脩金百兩  
設四門義學延師訓貧家子弟請上憲立案以垂久遠  
任事不避嫌怨如州中考棚義倉邑志諸事皆力爲贊

成非僅以詩書自娛者年五十九卒采訪冊

夏美珍號玉田無爲人布衣嗜學腹笥淵雅性疎野詩

文近蘇黃著有四書演義蟲吟草采訪冊

齊來祜字韻珂無爲人廩膳生家貧嗜學孝事繼母主

講正蒙書院課徒暇手一卷書攜一樽酒嘯傲自得著

有黼黻卿雲館詩集采訪冊

秦效曾號竹溪無爲人廩膳生筆耕爲生品端學粹舉

優行屢膺房薦髮逆至避亂鄉村著有團練芻蕘末議

一卷鄉團遵行之采訪冊

王泳陶字鶴臺無爲人廩生品端方有文名遊其門者

多所成就著有鶴嘯軒詩文集采訪冊

續修廬州府志

卷四十五

文苑傳

三十七

戴咸宜字湘三無爲人少穎異讀書十數行下嘉慶癸

酉舉於鄉庚辰捷南宮官刑部主事平反多案詩古文

詞著作甚富采訪冊

李文煥字藕香無爲人文生鹽提舉銜尚風雅樂吟咏

擅詩名數十年里中有疑難事咸取決之名公延課其

子者皆成偉器年八十餘道貌清癯日手一編伊唔不

輟著有筆花軒蚓鳴餘韻詩集采訪冊

吳元復無爲人廩生家貧力學晨無炊讀自若也乾隆

乙卯科鄉試主試已定魁矣副者以元爭之致未售著

有見天詩文集行世采訪冊

程燄熊字景齊無爲人植品端凝學有根柢屢薦不售

以歲貢任黟縣教諭與同里汪有典侯坤爲文會著作  
甚富兵燹散佚

采訪  
冊

何灝字晴江無爲人副貢生少奉母教極嚴攻苦下帷  
頗負時名性尤慷慨道光間水災甚鉅力請大吏賑饑  
全活無算教授不計脩脯貧不能讀者皆往依焉年八  
十餘卒著有自怡軒詩草

采訪  
冊

齊德漣字瀛仙無爲人歲貢生候選訓導孝親恭兄弱  
冠有聲庠序間聘主講繡溪書院文風爲之一變好獎  
譽後進學者咸敬仰焉同治建元舉孝廉方正科邑人  
首推德漣辭不就著有陔南吟館詩草

采訪  
冊

程謨字鳳藻無爲人廩貢生工制舉文鄉試擬置壓榜

續修廬州府志

卷四十五

文苑傳

三十八

以謄錄小誤被放司文枋者引以爲咎州牧顧晴嵐稱  
爲國士觀察某招置幕下宴客時有青蠅入席立賦千  
言一座歎服定遠方氏延課其子後皆顯達所著桐桂  
軒詩草兵燹散佚

采訪  
冊

孔繁祺字介眉無爲人附貢生授職州同工詩善文博  
窮經史咸豐年間賊氛甚熾窮居力學寒暑無渝所著  
書多可傳者

采訪  
冊

高傳道字貫一無爲人增生鳳陽教授讀書尚氣節司  
鐸時勤督課程都人士欣欣向學歸田後籌畫鄉邑公  
事至周且密如謀捍衛植埧隄培風水辦理善後倡勸  
寒衣捐重貲學額因之而廣庠序德之

采訪  
冊

閻兆霖無爲人歲貢生少孤貧力學頗負時名植品端正鄉里重之人有不平片言剖斷無不帖服采訪冊

蔣衡字雁峯無爲人庠生品學端方博窮經史年八十餘猶好學不倦鄉里矜式采訪冊

蔣視履字洛雲無爲人庠生勵志詩書品純學粹幕游南北名重一時采訪冊

徐嶧桐無爲人恩貢生少攻制舉文試輒冠其曹偶品與學稱中更兵燹絕意仕進伏處衡茅以教授生徒維持風化爲已任采訪冊

宋蓉江無爲人逸其名係孝廉祐之子在揚州由商籍入學歸里後族人疑之因由本籍復考試入學性豁達

喜吟咏日以詩酒自娛得佳句輒自爲歌幕遊山左及淮上嘗以詩謁袁簡齋深得獎許擇其佳句入詩話如南船載夢遊吳水北馬駝詩過泰山至今傳誦著有蓉江詩草晚年窘於遇不得歸歿於揚州鹺署中采訪冊

黃鼎占字雨樓無爲人廩膳生素行瀟灑文筆清腴尤善詩賦錢塘陳文述頤園中曾刻其詩采訪冊

秦紹曾號韻琴無爲人邑庠生品行端方爲後學式喜吟咏著有目耕軒詩草采訪冊

沈桂字丹崖無爲人少聰穎善吟咏旣長幕遊江淮間歷覽名山大川詩境益進所著師竹山房集歿後江督李宗羲爲刊行之又十年子海秋刻其種桐書屋集於

朝鮮軍幕采訪冊

陸龍騰字雲樓巢縣人歲貢生與修縣志能詩文王士祿馬世俊雅重之亦善書畫康熙志士祿謂其兼綜衆妙

縣志

湯懋總巢縣人官郎中能詩性高淡如其吟詠袁隨園嘗稱之詩話多采其佳句如溪清山影入風動竹陰移及游山心在山合眼飛嵐繞真得靜中三昧子擴祖能詩有父風其過隨園訪主人不值投贈之詩尤近作者詩云花含宿雨柳含煙高士園林別有天高臥白雲人不見一家雞犬翠微巔隨園詩話

韋尚賓字于王巢縣人嗜學多聞風流豪邁工詩古文

續修廬州府志

卷四十五

文苑傳

四十

詞尤工草書晚年究心內典時人比之大蘇縣志

陳毓賢號春溪巢縣人郡庠生品端學粹無隻字入公門課徒之外惟耽吟咏著有伴寂草隨意吟采訪冊

周兆權號鑑溪巢縣人慷慨有幹才任邑中公事有成效性耽吟咏有鑑溪詩草行世又選鄉前輩詩集付諸

剗劂曰居巢詩略采訪冊

葛邦杰號左卿巢縣人貢生舌耕爲業及門多達者士林服其學兼重其品采訪冊

陳新沐號浣香巢縣人貢生品極端方學有根柢每試輒冠軍六與鄉薦未遇工制藝善吟詩巢之名勝亦多題詠名濱湖小草全稿兵燹失之采訪冊

單嘉謀號雨村巢縣人增貢生工詩品學兼優所爲詩  
選入居巢詩略采訪冊

洪長恩號春卿巢縣人歲貢生設館課讀師弟之情篤  
於父子受業而得其益者皆成偉器焉采訪冊

葉大智號角庵巢縣人廩生貧病交加以授徒自給每  
搆一藝嘔血數升苦心孤詣士也卒以勤學早逝采訪冊

繆化鵬號翼雲巢縣人貢生品端學粹授徒於四頂山  
朝霞寺生徒集古近體詩刻朝霞右軒以傳之采訪冊

王愚生號小村巢縣人少聰穎善屬文工詩年十三應  
童子試爲申太守所拔擢及長攻舉業四領鄉薦不售

督學汪文端及張鱗俱激賞之采訪冊

祖攀麟字癯仙巢縣人貢生博學多聞道光間知縣舒  
夢齡修邑乘任以采訪攀麟廣搜羅嚴考核書成無濫  
無遺越四十六年重修復司其事勤慎如初光緒三年  
重遊泮水學使龔自閔贈聯云身登耄耄重遊泮眼見  
兒孫九入庠士林榮之旋任建平訓導值墾荒客民初  
入籍收考事多窒礙攀麟獨力斡旋其間得無爭擾年  
八十四卒官采訪冊

鄧先勳號魯卿巢縣人廩生幼讀書一目數行穎異過  
人以課徒終其身邑中子弟出其門多獲雋者采訪冊

湯長吉號竹樓巢縣人監生生平好爲詩性甘淡泊不  
希仕進橐筆幕游以自擴其詩境所著有竹樓詩存采訪冊

冊

錢璋號達卿巢縣人諸生課徒自給工書善吟詩所著有桂香書屋詩集惜早逝未盡其才又有李璋者號春

園布衣工詩所著有煮雪草堂詩集

采訪冊

楊昌運 縣人諸生欲仁之孫學問文章均有家法同

治元年隨從樹軍赴滬辦理文案江浙肅清積功至花

翎知府銜候選知縣署懷甯縣訓導尋中丁卯科舉人

赴部候銓行至保定軍營病故

采訪冊